



hal.komp.

27257

Mag. St. C.

P


*Arzomata*

*1872 IV. 162.*

*Hist. 3470.*



4385.





47

9

ACROAMATA  
PERENNIS GLORIÆ  
ILLVSTRISSIMORVM  
COMITVM


A

TARNOW,

E memoria vetustatis in breue com-  
pendium, cum suis Elogiis

REDACTA.

*Superiorum Permissu.*



C R A C O V I Æ,

*Ex Officina Typographica Francisci Cæsarij,*

Anno Reparatae Salutis 1647.



ORTA NVNQVAM OCCIDIT.  
GENTILITIA LVNA TARNOVIORVM.




Syderibus cuinam geminis Insigne coruscat,  
TARNOVII Comites, lampade vtraq; nitent.  
TARNOVIIS potuere decus tantum astra dedisse?  
Imò super, meritis contigit, astra, locus.

27257. F.







ILLVSTRISSIMO DOMINO  
D. MICHAELI  
COMITI à TARNOW

In Wielowieś, Dzikow, & Zborow Hæredi,

C A S T E L L A N O

WOYNICENSI, &c. &c.

Domino & Patrono Colendissimo.



*Ensis marorum tenebris, propter  
luctuosum, ex hac vita, discessum  
ILLVSTRIS Domini THEO-  
DORI CAROLI Krzepicen-  
sis Egc. Capitanei, nepotis tui Cha-  
rissimi. ILLVSTRIS-  
SIME DOMINE, obnubilatam Gentilitiam LVNAM Tuam,  
pristinæ ut restituam claritati, ex vetustis Autho-  
rum monumentis, quasi ex umbris, in lucem educere  
auet animus. Absit ut etiam pullato velata amictu,  
LVNA TARNOVIA non luceat? Cuius clarissi-  
ma in Deum, Patriamq; merita, nunquam ita sub  
umbra alternantis fortune latitant, ut non appareant  
clariora. Altorum sunt ista fata, ut eadem quæ cor-*



pus urna, absorpta contineatur & fama. Domus vestrae semper Inclitae, neminem Orbis Lechicus vidit: cuius egregie facta claudantur sepulchro. Lucetis o Illustrissima Luminaria, nec iam tempora, sed ipsam aeternitatem serenatis. Vnde quod lux Solis, vel Lunae in caelo, id mihi Illustrissimorum genus TARNOVIORVM semper visum. Ad illorum caelestium Planetarum fulgorem, humanus caligat oculus, ad vestri, TARNOVIANI, inquam, syderis, splendorem, elinguem omnem necesse est esse eloquentiam. Concinnaueram nihilominus ego aliquid simile, & quidem in alio vitae statu, circiter ante tres decades annorum, in gratiam Illustrissimi Domini Gabrielis Comitis à Tarnow, Fratris tui ILLUSTRISIME DOMINE uterini, (qui postmodum & Generalis Capitaneus Cracouiensis fuit creatus) verum enimvero cum ad paucos ea Decora Familiae Tuae deriuata esse sciam, ne aliquam Tibi, Tuorumque Maiorum, praecclare factis attulisse iniuriam videar: ut in sequentem quoque posteritatem, tantus Natalium Tuorum splendor, radios semper fulgentes, projiciat, quasi de nouo, eorum illibatam gloriam. Typo excitare decreui. Ratus hac ratione meum Religiosum studium Tibi acceptum fore, si Tua, earumque innumera, perenni Senatorum successione firmata sydera, ab occasu obliuionis, vindice arrepto calamo, liberarem. Quem totum meum ingenium non tam laborem, quam potius pium quendam conatum, ad lucem coruscantis Tuae Lunae, tum verò  
& ad



Et ad lumen radiantis, in Clypeo Tuo Gentilitio, Stella, confectum esse scias; Quomodo enim de luce, sine luce scriberem, nisi Tuum hoc splendidissimum Stemma, facē mihi praeferret? Atq; dum insigne hoc Tuum, Fausta Polonorum, per varios Senatus Sarmatici Principes, pluribus deducunt, ac depraedicant, mihi paucis, Et quasi per crinem, omnes Et singulos, cum suis Elogijs Symbolicis, utriusq; Suadae afflatu, attigisse sufficiet. Saltem ut Illustrissima Tua proles, quae interea in spem magnam Familiae ornandae adolefcit, habeat, unde vitae morumq; exempla, vestigijs Maiorum insistent, excerptat. Tu interea pro gloria sanguinis, qui antiquissimus est, proq; Magnificentia TARNOVIANA, quam Tuo Illustri Nomini addictis, prestare consuesti, me una cum Ordine meo Proto-Eremitico benèvole complecti non desinas. In reliquo Tu DIVA nostra CLAROMONTANA, Princeps Regni TVTANA, annue, ut Illustrissimis Comitibus à Tarnow, adsit inuicti animi, corporisq; robur. In Canobio Clari Montis Czeszochouiensis, Anno Salutiferi Partus 1647.

Illustrissimae Magnificentiae Tuae  
Humilis deprecator

FR. IOANNES DIONYSIVS ŁOBZYNSKI

Ordinarius Praedicator  
Clari Montis Czeszochouiensis.






*Ad Beneuolum Lectorem.*

**E**Logia quæ cernis, sine Imaginibus vt afferrem, necessitas coëgit. Quibus incidendis, si sagax artificum apposita fuisset manus, non contemnendum scriptioni accessisset pondus. Sit satis, ad omnem fortunam & gloriam Illustrissimorum Comitum illustrandam, omnem eruditionem, symbola sua contulisse, vt nulla sit virtus, nulla eorundem merita (potissimum ab Historijs Lechicis celebrari solita) quæ non Hiroylyphicis figuris clariora reddi possint. Ex multis pauca hæc deliba, vicem Emblematum penicillo exprimendorum, Lemmata & versus præfixi obibunt. Subiecta Historia, etiam ad vltiorem cognitionem, quasi manu te deducet. Lucem super omnia dabit, hoc ipsum Sydus TARNOVIVM, quod & ipsos coelos ad æmulationem prouocat. Nec plura his addo, quâ prudens, & bonus es, benè sit tibi.





FONTES ELOGIORVM  
ILLVSTRISSIMORVM  
COMITVM

A

TARNOW.

- I. Gens Antiqua.
- II. Sanguis verus Comitum.
- III. Diues opum, vestis, & aulæ.
- IV. Fida pectora Principum.
- V. Subsellij Regum Affines.
- VI. Herculeæ Possellores clauæ.
- VII. Martis Sarmatici Successores.
- VIII. In periculis Viri.
- IX. In pace Ciues.
- X. In Toga Senatores.
- XI. In Sago milites, Domi beneuoli,  
Foris non inhumani.

XII.



XII. In Patriam Pij,  
In Deum religiosi.

Vtriusque fortunæ, viuentis & vi-  
dentis, cæcæ & volubilis pol-  
lentes potentefq; Domini.

Abfit verbo inuidia!

Astra sunt,

Sydera sunt,

Lumina sunt.

Micant inter Orbes

Velut

Luna Minores.

Abi hinc, semper Magnorum æmu-  
la inuidia.

Quod si nec dum nitidis desistis

Obmurmurare astris,

His te Symbolicis enecare lubet

Elogiis.

ELO.



## ELOGIVM I.

### TARNOVIANÆ NOBILITATIS

Lapis Lydius, Antiquitas.

*Garrula dum Cornix synceri signa metalli  
Explorat rostro, Lydius illa probat.  
Auro signatur virtus, Cornice vetustas,  
Hanc propter, virtus nobilis orbe viget,  
Qua probitas, Qui TARNOVIIS sint pectore mores?  
Sola vetustatis dicere fama potest.*

Nec heri, nec hodie nata, aut, quam auiā vetus  
primis memoraret ab auis. Numera, octoginta Páprocki in  
Stem. Le-  
liwá.  
duos supra mille annos, TARNOVII florûere:  
quos, si cum nostra contuleris ætate: Quingentis  
triginta quinque, magna in fortuna regnasse vide-  
bis, Solibus, Felix Sydus, quo æuiternum hoc ger-  
men in terrâ consitum, honoribus alitum, virtuti-  
bus conseruatum. Hoc quippè testis incorrupta,  
veneranda proclamat antiquitas, Sarmatæ, su-  
spicite,

## ELOGIVM II.

### GENS TARNOVIA

Perennis fluius honorum.

*Aliger assurgit, quatiens pede, Pegasus auras,  
Fronte sua nitidus labitur humor aquæ,  
Hinc factus plures rapit aluo rinulus undas,  
Et tandem fluius, fontibus exiguis.  
Rex à Rege venit, Duce Dux, è Principe Princeps,  
TARNOVII Comites, nonnisi de Comitibus.*

B

Consule



Consule Iustinianum Comitem appellabit, qui in domesticos Regis imperium habet. Pyrrhum interroga, Comitem describet, qui Regi à latere est, aut quem numerosa comitatur Nobilium ceterua, an non hi TARNOVII? Res pro ipsis loquatur. Quotusquisque non fortunatus Imperator? quotusquisque non amplissimus Senator? quotusquisque non Regis amicus? vno minorem folio quendam reperiēs. Dubitas? Polonos non nosti? Quod si hoc non placet, & nasci potius Comitem, quàm creari lubet: velut à primo ouo, vsque ad extremum numerando pullum, Comites inuenies; neq; enim à Cespite suo virgulta discrepant: aut procul à proprio stipite poma cadunt.

### ELOGIUM III.

#### L V X V R I E S O P V M

Nullibi maior.

*Capra bipes graditur nutrix celebrata Tonantis,  
Fructibus ex humeris cornua plena ferens,  
Talis Amalthea antiquis est credita sacris,  
Copia quàm Nymphis, est data diues opum,  
En monumenta Patrum; dubitas? hæc Consule quantum  
Dinitijs potuit, TARNOVIANA Domus.*

De opibus TARNOVIÆ Gentis, non tam dictu, quàm creditu difficile: Testis Cromerus, Ioannem Primum Melstinium Palatinum, vt vulgò loquuntur, Cracouiensem, secundum à radice huius Prosapiæ truncum, vniuersæ Inferioris Russiæ, & Podoliæ

Cromerus  
Lib. 14. &  
35.



Podoliæ Dominum, & Administratorem à Serenissimo Casimiro renuntiatum fuisse: Quantæ hinc opes? quantæ diuitiæ? quantus splendor? Inuidebat fortunæ, Regina, hominis tantæ. Senatus obstrepebat, sed vicit constans virtus, & fortia in Rempublicam viri merita. Ille enim, ille fuit, qui tanquam manus dextra, Regi, Regnoque interuiuit; Hæc publica præmia: Quid priuatæ opes? nil veriùs, quàm illud: Adfuit & census, & clarum nomen Auorum.

#### ELOGIVM IV.

#### VTROQUE CORONATI CLARESCUNT.

*Cor decorat Sceptrum, diadema coronat utrumq;  
Hæc tria sunt uni, credita rite; viro,  
Prolem cor Regis, Sceptrum diademate pressum,  
Commisssa imperij munera summa viro;  
Talia TARNOVIOS decorant insignia, Regis  
Sustinet hæc prolem, frenat & Imperium.*

Opes & diuitiæ vulgaria bona, has cerdo, has Ianio possidet. Rectè enim communis Mercurius, quem probi simul & improbi coluere Deum; Rara auis in terris, pectus edomitum honesto, cui illud donauere Superi, Sacrarium consilij fecere: Ô te beatum IOANNES à Tarnow Palatine Sendomiriensis! In te Diuitem hanc penum honesti, vidit Rex Vladislaus, & tibi confidit; Quantum? ut tuæ fidei & probitati filium custodien-

Cromerus  
Lib. 12.



dum, Regnum administrandum dederit. Sæcula,  
vidistis ei secundum alium?

ELOGIUM V.  
NON AMBITIOSI

Hanc ambiunt vltimum.

*Cernis ut insigne auratum diademate Sceptrum,  
Circumdat viridi vitis opacâ comâ  
Vtq; racemiferis frons, surgit fertilis vuis,  
Quid sibi nam quæris, Stemmata tanta velint?  
Sarmatiae quoties cingunt subsellia Regum,  
TARNOVII quid agunt? luxq; decusq; manent.*

Ex ijs solis vniuersum Senatum resectum habes, Catalogum illorum pertexam. Nomina non-nisi indicabo; Tot sunt, quot ne verbo notatos tabula continere potest. I. Spicimirus Primus Comes Castellanus Cracouiensis, fundator Ciuitatis & Arcis Tarnouiensis, & Melsztynensis, vixit circa Annum 1280. II. Ioannes Primus Castellanus & Generalis Capitaneus Cracouiensis, Regni Casimiro Rege gubernator, Exercituum Dux Anno 1340. III. Raphael Primus Castellanus Vsliciae & Russiae Administrator, circa eadem tempora. IV. Ioannes Secundus Palatinus, & Generalis Cracouiensis, Gubernator Russiae sub Anno 1380. V. Iasco siue Ioannes Tertius, Castellanus Sadeceus circa idem tempus. VI. Spytko Secundus, Magnus Dux totius Russiae & Podoliae, vtriusque partis Ducatus Opoliensis in Silesia, Administrator.

Dlugos. ab  
Anno 1303.

Cromer. paf  
sim in Hist.

Pruiul. Mo-  
naster. Prze  
vvorfc. 1394.

Erectio Té-  
pli Omniū  
SS. Cracou.  
1394.

Orichou. in  
Annalibus.  
Item

In Orat. ad  
Optimates  
Reipub.

Bielski.  
Strykovski  
Miechouta  
& alij Hi-  
stor. Polon.

strator, Palatinus & Generalis Cracouiensis, Supre- Cromerus  
 premus Exercituum Dux, circa Annum 1399. Orat. in Si-  
 VII. Ioannes Quartus, Validus dictus, Castella- gismun. I.  
 nus, Palatinus, & Generalis Cracouiensis, Exerci- Heideisten<sup>o</sup>  
 tum Dux in bello Pruthenico, Anno 1430. Páprocki  
 VIII. Spytko Tertius Castellanus Cracouiensis, sub Stem.  
 totius Ruffiæ Generalis, Exercituum Dux in bello Leliuva.  
 Hungarico, circa eadem tempora. IX. Raphael Priuil. an-  
 Secundus Castellanus Vislicia, Sendomiriens. Ca- tiqu. sub  
 pitaneus, circa idem tempus. X. Ioannes Quintus Anno 1347.  
 Felix dictus, Palatinus Lublinensis. circa An. 1483. Simon Sta-  
 XI. Ioannes Sextus Amor dictus, Castellanus & rovvolfc. in-  
 Generalis Capitaneus Cracouiensis, Anno 1512. ter Sarma-  
 XII. Ioannes Septimus Palatinus Cracouiensis An- tiæ Bellat.  
 no 1508. XIII. Ioannes Octauus, Castellanus Cra- Bonfinius  
 couiensis, Supremus Exercituum Regni Dux, toto Decad. 3.  
 orbe clarissimus Sendomiriensis, Stryensis, Luba- Lib. 6.  
 censis &c. &c. Capitaneus, circa Annum 1561. Philip. Ca-  
 XIV. Ioannes Nonus Palatinus Sendomiriensis, limach. de  
 circa Annum 1515. XV. Spytko Quartus Palati- rebus Vla-  
 nus Siradia, Petricouiensis, Ostrzesouiensis, Krze- disl. Regis.  
 mionensis, Boleslauiensis, Czesztochouiensis, Brze- Paulus Io-  
 fnenis, Krzesouiensis Capitaneus Anno 1557. uius Lib. 42.  
 XVI. Stanislaus Primus Sadecensis Castellanus, Andr. War-  
 sub idem tempus. XVII. Ioannes Decimus, Mi- gocki in  
 les Sepulchri Christi, Castellanus Sandomiriensis, Lib. Valer.  
 Pilznenis Capitaneus, circa eadem tempora. Max.  
 XVIII. Ioannes Vndecimus Castellanus Woyni- Bernard.  
 censis, Wapovvski  
in sua Hist.  
Heidefteni<sup>o</sup>  
de bello  
Moscovitic.  
Gasp. Sie-  
mek in La-  
cone.  
Christoph.  
Warfeucici<sup>o</sup>  
in operibus  
varijs.



Author præ-  
sentis Opu-  
sculi.

ensis, Sadeensis, Stryensis Capitaneus, circa An-  
num 1557. XIX. Stanislaus Secundus dictus Diues,  
Palatinus Sandomiriensis, Siradiensis, Boleslauiensis.  
Capitaneus, circa Annum 1568. XX. Stanislaus  
Tertius Castellanus Sandomiriensis, Buscensis,  
Stobnicensis Capitaneus, mortuus circa An. 1618.  
XXI. Ioannes Duodecimus Gratus dictus, Castel-  
lanus Sandomiriensis, Zarnouienensis, Korczynensis  
Capitaneus, circa Annum 1626. XXII. Ioachimus  
Palatinus & Capitaneus Wendenensis, circa An. 1640.  
XXIII. Michael Stanislaus Castellanus Woyni-  
censis, circa Annum 1646. Et quidem Ioachimus  
Valachicis & Liuonicis prælijs, virtutem suam &  
Martium ardorem, potissimum in expugnatione  
Arcis Wensteinensis probauit, vbi primariæ cohors  
Sueticæ, Vexillifero, manu propria, comprehen-  
so, atq; vexillo eidem erepto, fortitudinis suæ, non  
contemnendam retulit Lauream. Quem postmo-  
dum non ambientem, imò sæpius recusantem, vir-  
tus Senatorio donauit subsellio. Parnauienensis pri-  
mum, tum verò Wendenensis creatus fuit Palatinus.  
Nisi quòd tædio rerum mundanarum victus, vltro  
& sua sponte, Senatoriâ illa dignitate, multis instân-  
tijs ad Serenissimū Regem VLADISLAVM IV.  
factis, sese abdicauit, possessiones verò suas, vnâ &  
Capitaneatum Krzepicensem, cum omni Iure, &  
Dominio, Illustri suo THEODORO CAROLO  
Filio tradidit, vnica interea THEODORA Filia,  
Illustris.

Illustriss. Dño. Leoni Casimiro SAPIEHA M. Du-  
catus Lithuaniae Procancellario, Heroi, si pruden-  
tiam, linguarum peritiam, consiliorum maturita-  
tem, & demum opum affluentiam spectas, facile in  
Lithuaniam Principi, in connubium collocatam. Ipse  
tandem praedictus D. Palatinus priuata sorte con-  
tentus, quo exactius suprema sua componat, omni-  
bus istis, quae speciosam, sed fallaci voluptate, alios  
delectant, & ad quae, humani generis, caeca cupidi-  
tas obstupescit, contemptis; totum se penes Ca-  
nobium Klobucensem Venerabilium PP. Canonico-  
rum Regularium S. Augustini, solidae pietati con-  
secrauit, ubi tota deuotione mentis, solitudinis il-  
lius singularis amator, in suscepti consilij constan-  
tia obfirmatus, Soli Deo, diuinisq; rebus vacat. Du-  
bium relinquens, maioremne laudem in Senatorio  
munere rite administrando, an in illo vltro depo-  
nendo sit fueritue promeritus? Nimirum felicitate  
mundanae nihili duxit, nisi cummularet sanctimoniâ.

Sequitur Illustrissimus MICHAEL Comes  
à Tarnow Praenominati Ioachimi Frater Germa-  
nus; Hic aetatem iuuenilem ab obsequijs Reipub.  
auspicatus, pro innato erga Patriam amore, in Ori-  
nensibus primum, vt vocant, versus Camene-  
cum, Metropolim Podoliae, campis, contra repen-  
tinum, eumq; ingentem Scytharum & Turcarum  
incursum, sub auspicijs & regimine Illustrissimi sui  
Parentis, Castellani Sandomiriensis, militiae rudi-

Anno 1639.

Author pre-  
sentis Opu-  
sculi.

mentis



Ioan. Inno-  
centius Pe-  
tricius de  
bello Tur-  
cico.

menta absoluit. Tùm verò in Chocimensi, quo  
nullum in Europâ maius, bello, præterquam quòd  
vnius & alterius cohortis, selectorum Hastatorum  
Equitum (quos proprio sumptu collectos aluit)  
ductor fuerat. Insuper Commissarius, & magnus  
administer belli illius, ex voto Reipublicæ, summis  
Præsidibus adiunctus, molem prædictæ expeditio-  
nis, pro re & occasione, manu & consilio ubique  
promptus, cum summo Patriæ & Domus T A R-  
N O V I A N Æ decore sustinuit. Et deniq; (quam-  
uis nec dum vt meritorum & gloriarum finis) sub  
tempus Interregni post decessum piæ memoriæ Si-  
gismundi III. Regis, de communi nobilitatis con-  
sensu Palatinatum Sandomiriensem, in tutelam suã  
recepit. Viuit etiam nunc Maiorum suorum egre-  
gius æmulator, Religionis Orthodoxæ, Regni, Re-  
gumq; suorum amator, ac propugnator, toties ad  
publica Comitia internuntius fidelis, ac Consilia-  
rius fortis; Qui nuper in præmium tot, tantorumq;  
meritorum, non admissis alijs, & alijs dignitatibus  
longè maioribus, à Serenissimo Rege V L A D I-  
S L A O IV. vltro sibi collatis (tandem ne deesse  
gloriæ Antecessorum suorum videretur) Castella-  
neatum Woynicensem admisit, Heros, si quis, non  
maior vitæ, morumq; claritate, quàm pietate, Deus  
prosperet omen, vt & Illustris proles ipsius, dum  
à moderatoribus ætatulæ suæ, rectam viuendi ra-  
tionem accipit, à Parente suo Illustrissimo sumat  
& exemplum.

Atq;

Atq; hic est Catalogus Principum TARNO-  
VIÆ Domus, qui continuata successione Senatû  
Lechicum, quâ consilio, quâ opera, ac alijs rebus  
præclarè gestis illustrârunt, omnes habiti columi-  
na Patriæ, & Reipublicæ perennia decora, aucto  
semper lumine clariora, donec tandem Gentilitiæ  
suæ Lunæ splendoribus, totum impleant Or-  
bem. Ita Fiat! ita voueo!

ELOGIUM VI.  
TARNOVII VIGILES  
Bellorum Magistri.

*Lechiadum Princeps summi moderamina Martis,  
Militia cupiens Præsidis arte regi,  
Clauam insigne Ducis, sibi dum concedit, in omnes,  
Vnius ingenio traditur Imperium.  
Ergo TARNOVIUS sumptâ pro munere clauâ,  
Munus obit fortis militis, atq; Ducis.*

Huic laudi cedit genus, nec fului metalli conge-  
ries tantæ famulatur gloriæ. Nefas tribui auro, vel  
sanguini, quod soli debetur virtuti, at si in vno om-  
nia. Vnus ille clauâ dignissimus. Quid opus lucer-  
nâ Diogenis? Notus est domi, forisq; IOANNES  
de Tarnow Castellanus Cracouiensis: Martis Sar-  
matici moderator supremus. Vidit Lusitaniæ Rex  
& Martij viri virtutem Poloniæ inuidit, quia Patriæ  
commendauit. Probauit virtutem æquè in arduis  
atq; extremis, Dux sex millium, fudit Moldauorû,  
sex supra viginti millia ad Obertinum; Moschum

*Iouius  
Elog. Lib. 7.*



ad Starodubum cuniculis subruit, stupēda hæc sua  
ætate fuisse, litteræ loquuntur. At illud rarum, &  
penè solius fuit. Vsq; adeò latè propagata fama ho-  
minis, vt Solymano Pañoniam inuadente, vnus ve-  
luti inuictæ virtutis, gerendo bello, Imperator  
à Germanis atq; Hungaris, Bohemisq; expetere-  
tur? Quanta vnus hominis vbiq; virtus!

## ELOGIUM VII.

E ROBUSTA VIRTUTE TARNOVIORVM  
non nisi robur.

*Ardua robustis quercus radicibus haret,*

*Aridus hinc ramus truditur à viridi;*

*Aspice TARNOVIÆ præclara insignia gentis,*

*Poscebat quoties, seu toga, siue sagum,*

*Sic sic TARNOVIA, extendens sua brachia, quercus,*

*Egreditur robur robore, virq; viro.*

Sæpè à radice non diuersum pullulat germen,  
vbi ergo illud; Heroum Filij noxæ? Ignauos pre-  
mat, notet degeneres, TARNOVIORVM genui-  
na proles, natiuis vbiq; fulget coloribus. Quis fue-  
rit Ioannes à Tarnow Supremus belli Imperator,  
non repeto? Certè à Rege Sigismundo non tam  
honorario, quàm promerito præmio, cumulatus est,  
cùm ob nauatam contra Tartaros Reipub. operã,  
stipendium Publicum maximâ cum posteritatis ad-  
miratione, ab vniuersâ nobilitate, atq; adeò Regno  
ipso, accepit. Ad propositum festino. Martis Sar-  
matici Successores TARNOVII fuere. Ecce Tibi  
Stanislaum

Cromerus  
Orat. in Si-  
gismund, I.

Stanislaum à Tarnow Palatini Sandomiriensis Filium, Sandomiriensem Castellani, Tuum Illustrissime MICHAEL proximum Genitorem, An non hic Maiorum suorum dignissima proles? Præter insignem, aliquot Interregnis Reipub. fluctuanti, priuatis opibus probatam operam, aduersus Moschum, præcipue verò ad Pscouum, maxima pars fortissimorum militum, Regi Stephano fuit. Sic TARNOVIORVM è domo veluti ex equo Troiano, Dux Ducè, miles militem, vir virum sequitur.

ELOGIUM VIII.  
 QVOTQVOT TARNOVII,  
 Tot & Viri strenui.

*Ecquis terrigenum fauces lacerare Leonis  
 Audet? vel linguam faucibus eripere?  
 Monoades tantum facinus fors strenuus ausus  
 Tentare? altisoni progeniesue Iouis?*

*TARNOVIIS hac laus tribuenda est iure Dynastis,  
 Quèis vis Zargitis, robur & Herculeum.*

Quidam dicunt: Magistratus monstrat virum;  
 mihi verò periculum est, quod monstrat virum:  
 In hoc qui vir, qui strenuus, ipsa docet res; quem  
 enim fugit, plerosq; domi suæ Leones, in campo  
 ostendisse ceruos? Impatiens tantæ labis stirps  
 TARNOVIA, veros illa Achilles, & viros Hercu-  
 lei pectoris Patriæ protulit. Quantus enim ille fuit,  
 IOANNES de Tarnow ad Nicopolim, sub Rege  
 Vladislao miles? Arx fuit Petressum, natura loci, &

Cromerus  
 Lib. 21.



Párocki in  
Stem. Le-  
liwá,

artificij opere firma, Turcico præsidio firmissima;  
spes deditiois nulla, itur oppugnatur; TARNO-  
VIVS in maximis vtrinq; conatibus, primus mæ-  
nia conscendit. Ipse vexillum, ipse signifer, ipse tu-  
bicen, ipse Dux, ipse miles, ipse omnia; Exhorruit  
hostis robur, & audaciã viri, animo concidit. No-  
ster hostem premit, Ad arcem, ad arcem concla-  
mat, & præit. Quid? An non huic par nostra ætate  
eiusdem nominis, & gentis IOANNES à Tarnow,  
in Moschouia armorum, Castellan<sup>o</sup> Sandomirien-  
sis, Collega? qui in expugnandis propugnaculis,  
duobus famulis Piscorscio, & Raczynio commili-  
tonibus, globi instar tormentorũ ignibus excussi,  
ad ipsas portas, & mænia aduolabat, perq; muros  
fractos, & parietes disiectos, ingredi animosè teta-  
bat, ter ictus, ter recessit, ter redijt: ô quàm inauditũ  
fortitudinis exemplũ suæ dedit, hostibus audaciæ.

ELOGIVM IX.  
VBIQVE GENEROSE  
Mori parati.

*Fertur in æquoreis Rex ipse tridentifer undis,  
Tergora Delphinus præbet Arionius,  
Effera consurgunt aduersum monstra profundì,  
Ipse tridente minas Rex iacit horribiles,  
Vnica TARNOVII quantum mens conscia recti,  
In Patria potuit, volue, lege, atq; proba.*  
Generosa Comitum de Tarnow propago, cum  
Ciue Ciuis, cum hoste inducias nescit. Execrandũ  
quondam

quondam scelus, contra nobilitatem patrârunt Vr-  
 bis Cracouiensis Incolæ: Andreas Tencinius expe-  
 ditioni intentus, sclopetarium fidem fallentem, bis <sup>Cromerus:</sup>  
 malè mulctasse fertur. Sæuit ignobile vulgus, Ten- <sup>Lib. 24.</sup>  
 cinium adoritur, fores effringit, claustrum violat,  
 cæde tumultuaria, fædè & ignominiosè mactat, ra-  
 ptat, & tota Vrbe confossum & semiustulatum o-  
 stentui habet. Quid Tencinij? queruntur. Sed  
 Rex simulandum potiùs, quàm puniendum crimē  
 ratus, furdis querelam accipit auribus. En tibi adest  
 magna de gente TARNOVIVS, Castellanus Cra-  
 couienſ. cui ab Amore cognomentum est, hic fre-  
 quenti in Senatu, rem proponit, scelus exaggerat,  
 gravitatem explicat, exemplum audaciæ, & inso-  
 lentia, in Nobilitate malo Reipub. nunquam an-  
 tea visum, datum cōmemorat, mouit, & permouit  
 Senatū, atq; adeò ipsū Regē Oratio, vt absq; omni  
 mora rei sceleris, debitas & memorabiles in semp-  
 ternū luerent pœnas. Hiccine non in pace Ciuis?

## ELOGIVM X.

SEDARE OMNES PROCELLAS  
 Tarnouijs innatum.

*Sarmata quid stringens gladium in ceruice togatus*

*Denotet? aut quid cor palma sinistra premat?*

*Expetit an rigidi tentare pericula Martis?*

*Otia num grata rumpere pacis amat?*

*Non hoc; TARNOVII latet hic, studiumq; salusq;*

*Pro Patriâ, pro omni Ciue, parata mori.*



Vt Græcis pallium, sic Latij toga inſigne pacis,  
& conſilij fuit, & hâc inſignes TARNOVII; In  
promptu eſt IOANNES de Tarnow Palatinus  
Cracouiſis; Hic Senator in toga, cùm vidiffet  
Vladislaum Regem Vitoudi conſilio ſeu improbi-  
tate perſuaſum, de integritate Sophiæ, Reginæ ſi-  
niſtrè ſuſpicari, atq; ob eam cauſam à ſe ablegare in  
Lithuaniam velle. Ergo Regem adit, quærit indu-  
ſtriè, quid pueris ex ea natis facere vellet? Reſpon-  
dit Rex, ſecum eos fore, & in ſpem regni educari:  
tum ille Herculeo penè pectore, Apage ſis. Tunè  
Reges nobis relinquere vis, quos ipſe dum probro  
afficis, pro tuis liberis non agnoſcis? Frangit con-  
ſtans vox indomitum pectus Regis; mox frequenti  
Senatu, Duce & authore Tarnouio purgatur Regi-  
na, Vitoudi franguntur machinationes. An non in  
hac ſcæna togatus Senator fuit? Audi aliud, Vitou-  
dus inſidiatur Regno, retia expãdit, fortunæ auſpi-  
cij Regnũ capere molitur, obſecuta profectò fuiſ-  
ſet fortuna cæca, Vitoudo, niſi Tarnouius, conatus  
retudiſſet, primus hic & nouiſſim⁹ in togâ Senator,

Cromerus  
Lib. 24.

## ELOGIUM XI.

Omnibus ſunt præſtò.

*Tollit in excelſum folio ſe Palma virenti,  
Inſidet huic magni præpes adunca Iouis;  
Pendentes hinc inde baſtas, ſclopetâ, ſagittas,  
Distribuit, properans undiq; fertur auis.*

*Gens Tua TARNOVI, Palma eſt tot dotibus aucta,  
An non hinc Patria præſidium atq; decus?*

Et pacis

Et pacis toga, & sagum belli, nota tessera. Hâc Viri Martij à Ciuibus, hâc bellicosi ab armorum rudibus; In hâc Tarnouij, & eximij, & ferè singuli, nullus paludatus vel togatus, quin priùs sagatus specimen dederit, & fortia fecerit; in summa, quisque TARNOVIORVM, Martem hæredem habuit. Bellonæ quisq; genuina propago fuit, vultum intueri. An non ex lineamentis Parentum? Memora fortissimum Regis Vladislai ad Warnam cō- Cromerus  
Lib. 21. in  
fine.  
flictum: Inuenies & pugnæ Regis strenuos com-  
mitones, & discriminis extremi comites eximios,  
Ioannem Amorem, & Ioannem Gratum TAR-  
NOVIOS, Palatini Cracouiensis, par filiorum no-  
bilissimum, par fratrum bellicosissimum, plusquã  
Castor & Pollux, non alternâ, sed parili face, aut  
orientes, aut occidentes nostro in cælo; sic illi foris.  
Iam domi, nil nisi gratiæ puræ & putæ, quin amari  
non timeri, obseruari non dominari volunt.

## ELOGIUM XII.

TARNOVII ex vtroque constant.

*Verticibus sine, bina columna minatur Olympo,  
Præsulis & Regis iungit utrumq; decus,  
Utrasq; exornat diadema Sacerq; Tiaras,  
Hoc proprio lucent, lumine TARNOVII  
Defendunt commune bonum, Patriamq; Fidemq;,  
O quàm securè stant Superi his basibus!*

Vicina hæc sunt, Pietas in Patriam, Religio in  
Deum; quæ duo si in vnus pectore, dignus profe-  
cto quem



Cromerus  
Lib. 5.

Priuilegia  
Monasterij  
Przeworsc.

Erectio  
Monasterij  
Tarnouien.


Ad quem Parcae timeant, alterum sine altero, aut instabile, aut minus syncerum. Vtrumq; & Possessorem posteritati, immortalem, & Rempub. felicē florentemq; reddit; hoc biuio ad gloriæ fastigium Tarnouiorum, peruenit, Generositas. Non sat gloriæ, clauam domi forisq; tractare, ni etiam sacris opulentam promant manum. Quot ab illis donaria Diuis? Spicimirus vt nomē Patriæ, sic & rem Christo dedit. Gnesnensem Tiaram sicut sponsam dote, Pastorem pedo, sic ille suo exornauit Spicimiro. Ioannes Palatin<sup>9</sup> Sandomiriæ & Russiæ Capitane<sup>9</sup>, in Familiam S. Augustini diues, quam vocatā Przeworsci collocauit, collocatam dotauit, ornatam ad hoc vsq; tempus conseruauit. Alter Ioānes Raphael Palatini Cracouiensis Filius, & ibidem Canonicus, Hic Præpositus Tarnouiæ, Ordini S. Francisci de Obseruantia, Domum Religiosam in eodem Oppido erexit, & munificē decorauit erectā. Fuere semper Tarnouijs, nec modo desunt, non minus ad ardua fortes, quā in Diuina liberales Spiritus. Haud illis surdæ ad querelas inopum aures, nec ad indigorum vota, in sinum repōstæ manus, patet aditus succurrendi Religiosorū necessitati. Rati nimirum, sic plenē & tutē diuitias & opes, quando vsu largiendi desinunt, possideri.

---

*Ad Maiorem DEI laudem, DIVAE NOSTRÆ CLAROMONTANÆ  
HONOREM, Illustriss. DOMUS TARNOVIANÆ Perenne Decus,*


ut  
ef-  
cē  
m  
o-  
o-  
ria  
ri-  
e,  
o.  
e,  
e-  
ad  
el  
us,  
de  
bi-  
n-  
r-  
ad  
li-  
us  
—







Biblioteka Jagiellońska



stdr0010272



